

YOSHLAR OVOZI

BIZ - KELAJAK BUNYODKORIMIZ!

Ijtimoiy-siyosiy, iqtisodiy,
adabiy-badiiy
gazeta

52 (16505)
2022-yil, 3-avgust
chorshanba

 /yoshlarovozi

 /yoshlarovozi

 /yoshlarovozi.uz

Kun mavzusi
2-bet

Birinchi yoshlarni volont-
yorlikka tayyorlash dasturi

Hay'at yig'ilishi
3-bet

Yoshlar ishlari agentligining
faoliyati tahlil qilindi

"Yoshlar daftari" dan
5-bet

2 mingta ish o'mni
yarataman



Foto: Behruz RAJABOV

TALABALIK SARI YANA BIR QADAM TASHLANDI

1-20-AVGUST KUNLARI 40 TA OTMDA KASBIY-IJODIY
IMTIHONLAR BO'LIP O'TADI.

6-betga

qarang

BIRINCHI YOSHLARNI VOLONTYORLIKKA TAYYORLASH DASTURI

TURKIYADA BO'LIB O'TMOQDA

2021-yil 19-20-sentabr kunlari Toshkent shahrida bo'lib o'tgan Turkiy davlatlar tashkiloti Yoshlar va sport masalalari bo'yicha vazirlarning 5-yig'ilishi bayoniga asosan, Turkiya Respublikasi vakillari tomonidan Istanbul shahrida Turkiy davlatlar tashkilotining Birinchi yoshlarni volontyorlikka tayyorlash dasturini tashkil etish taklifi berilgan edi. Taklifa muvofiq, joriy yil 1-5-avgust kunlari Turkiyaning Istanbul shahrida Turkiy davlatlar tashkilotiga a'zo va kuzatuvchi mamlakatlari - O'zbekiston, Turkmaniston, Qozog'iston, Ozarbayjan, Qirg'iziston, Vengriya va Shimoliy Kipr Turk Respublikasi ishtirokida Birinchi yoshlarni volontyorlikka tayyorlash dasturi bo'lib o'tmoqda.



“
O'ZARO FIKR ALMASHISHLAR, TAJRIBALAR VA
YANGI AMALIYOTLAR TO'GRISIDA QARDOSH MILLAT
VAKILLARI O'Z TAKLIFLARINI
BILDIRISHMOQDA.

Dasturda O'zbekiston delegatsiyasi nomi dan 10 nafr volontyorlik harakatlari faol va mutazam ishtirok etib kelayotgan ko'ngililar, volontyorlik maktabi hamda ommaviy axborot vositalari vakillari ishtirok etmoqda.

Ilk bor o'tkazilayotgari dasturdan maqsad Turkiy mamlakatlar orasida ko'ngililik harakatlari rivojlantirish va amaliyotlar yuzasidan fikr almashish, millatlararo faoliyat doirasida yangi loyihalarini tashkil etish, o'qitish usulublarini targ'ib qilish, hamkorlikda o'tkazilishi rejalashtirilayotgan yangi volontyorlik harakatlari haqida taklif va tavsiyalar almashishdan iborat. Besh kunlik o'quv dasturida volontyorlik faoliyatiga oid yangi yo'nalishlar, uning ijtimoiy hayotdagi afzalliklari, iqtisodiy yo'nalishda muhimligi haqida tayyorlangan o'quv targ'ibotlari, shuningdek, xalqaro miyosda ushbu faoliyatning ahamiyati haqidagi ma'lumotlar berilishi kutilmoqda.

Dasturning ochilish marosimida O'zbekiston delegatsiyasi vakillari rahbari so'zga chiqib, dastur va volontyorlikning ahamiyati hamda bu harakatning millatlararo muhimligi haqida to'xtaldi. Bu harakatning qardosh millatlar bilan birgalikda hayotga tabtiq etilishi keyingi yoshlar uchun mo'ljallangan loyihalarda katta maktab vazifasini o'tashi ta'kidlandi.

Forumda ishtirok etayotgan Turkiy davlatlar tashkilotining Turkiyadagi bosh kotibi Omer Koja man, Turkiya yoshlari va sport vazirligining ta'lif, tadqiqot va muvofiqlashtrish bo'yicha bosh direktori o'rinosari Erkan Shamilo'g'li hamda Turkiya yoshlari va sport vazirligi qoshidagi Volontyorlar kengashi rahbari Abdulloh Said Akku zlar so'zga chiqib, mehmonlarni Turkiyaga tashrif va dasturda ishtirok etayotgani bilan qutladi. Turkiya hukumatining Yoshlar siyosati doirasida olib bo-

rayotgan islohotlarida xalqaro tashkilot loyihalarini alohida qo'llab-quvvatlashini ma'lum qilishdi.

Kunning ikkinchi yarmida Turkiyadagi volontyorlik harakati haqida taqdimot namoyish etildi. Taqdimotda Turkiyada amalga oshirilayotgan volontyorlik loyihalari, jamoalari va ular ishtirokida bo'lib o'tgan bir necha amaliyotlar hamda fo'rmlar haqida ma'lumotlar berildi.

Aytishicha, Turkiyada ta'lif, ekologik harakatlar, sog'lolmashtirish va xizmat ko'satish, favqulodda va noxush hotatlarda yordam beruvchi, shuningdek madaniyat yo'nalishlaridagi volontyorlik jamoalarining ko'ngililari faoliyat yuritib kelmoqda.

Savol-javob tarzida o'tgan birinchi kundagi taqdimotda O'zbekiston, Ozarbayjon va Qozog'iston vakillari yangi takliflar berdi. Turkiyalik yoshlari o'zlarining tajribalari, o'z jamoalari bilan amalga oshirayotgan yangi loyihalari haqida ma'lumot berdi.

Tashkilotchilar o'quv dasturining o'rganuvchilarga mukammal tarzda yetib borishida a'zo va kuzatuvchi mamlakat vakillariga alohida ishonch bildirilishi va dastur davomiyligini ta'minlash uchun hamkorlikka tayyor ekanligini bildirdi.

Xalqaro dasturning ilk kunidayoq yoshlari o'ttasida muloqot maydoni kengayib ketdi. O'zaro fikr almashishlar, tajribalar va yangi amaliyotlar to'grisida qardosh millat vakillari o'z takliflarini bildirishmoqda.

Dasturning keyingi kunlarida O'zbekiston delegatsiyasi vakillariga omad tilaymiz va voqealar rivojin kuzatishda davom etamiz.

Ro'za ARTIKBOYEVA,

O'zbekiston Yoshlar Ummahxonasi assotsiatsiyasining xorjida ta'lif olayotgan yoshlari ishslash bo'limi mutaxassisini



NOGIRONLARNING REPETITOR XARAJATLARI QOPLAB BERILADI

Vazirlar Mahkamasining 2022-yil 21-iyundagi "Nogironligi bo'lgan yoshlarni ijtimoiy qo'llab-quvvatlash bo'yicha davlat xizmatlari ko'satishning ma'lumiy reglamentlarini tasdiqlash to'grisida"gi qaroriga muvofiq, nogiron yoshlarga nodavlat ta'lim tashkilotlarida kasb-hunar, dasturlash, umumtalim fanlari va xorijiy tillarni o'rgatish, zarur hollarda yashash va transport xarajatlarini qoplash uchun bazaviy hisoblash mifdorining 50 baravrigacha (15 million so'mgacha) subsidiya ojaratiladi.

Subsidiya olish uchun istalgan davlat xizmatlari markaziga murojaat qilinadi yoki Yagona Interaktiv davlat xizmatlari portali (<https://my.gov.uz/uz>) orqali davlat xizmatidan elektron tarzda foydalanish uchun ro'yxatdan o'tiladi.



Imtiyozni taqdim etish tartibi va muddatlari

Arizaga quydagilar ilova qilinadi:
o'qish xarajatlari uchun subsidiya olishda:

- ariza bolaning qonuniy vakili tomonidan berilsa, uning shaxsiy identifikatsiya raqami va bolaning qonuniy vakili ekanligini tasdiqlovchi hujjat;

- nodavlat ta'lim tashkiloti tomonidan ariza beruvchini o'qitish to'grisida shartnomaning elektron nusxasi.

yashash va transport xarajatlari uchun subsidiya olishda:

- yo'l xarajatlarini tasdiqlovchi hujjatning elektron nusxalar;

- ijara shartnomasi va uning soliq organlarida hisobga qo'yilganligi haqidagi bildirishnomanining elektron nusxasi.

Davlat xizmati bepul ko'satiladi.

YOSHLAR ISHLARI AGENTLIGINING FAOLIYATI TAHLIL QILINDI

Yoshlar ishlari agentligi Hay'atining 2022-yil birinchi yarim yillikda yoshlar bilan ishlash, ularning muammolarini hal etish bo'yicha amalga oshirgan ishlari hamda bu boradagi ustuvor vazifalariga bag'ishlangan videoselektor yig'ilishi bo'lib o'tdi. Unda Yoshlar ishlari agentligi rahbariyati, markaziy apparat boshqarma va bo'lim bosliqlari, "Yoshlar - kelajagimiz" jamg'armasi hamda Yoshlar muammolarini o'rganish va istiqbolli kadrlarni tayyorlash instituti mutasaddilari, shuningdek, Yoshlar ishlari agentligining hududiy boshqarmalari mas'ul xodimlari, Yoshlar ittifoqi hududiy kengashlarining mas'ullari, mahalladagi yoshlar yetakchilari ishtirot etdi.



Muhammadshukur MUHAMMADJONOV,

"Yoshlar ovozi" muxbir


Foto: Ziyoda RAHIMBOYEVA

Qayd etilishicha, barcha mahallalarda kitobxonlik, san'at va madaniyat, intellektual o'yinlar, axborot texnologiyalari hamda sport turlari bo'yicha "Besh tashabbus olimpiyadasi"ga 6,2 million nafr yosh qamrab olingan. Mahallalarda yetakchilarining targ'ibot ishlari samarasi o'laroq, bиргина "Yoshlar ovozi" tanlovida 238,4 ming nafr yoshlar o'z mahoratini sinab ko'di. Bu natijalar o'tgan yilgiga nisbatan 80 barobarga oshganini ko'satadi.

Xalqaro imtiyon tizimlari bo'yicha yuqori ball to'plagan yoshlarga imtiyon topshirish xarajatlari qoplab berish tizimi yanada takomillashtirilib, imtiyon turlari 5 tadan 18 taga oshirildi. O'tgan 6 oy davomida 3,5 ming nafr yoshlarning 6,1 milliard so'mlinik imtiyon xarajatlari qoplab berilgan.

Yig'ilishda yoshlar yetakchilari va yosh tadbirkorlarning taklifi ham eshitildi. Ular ijrosi bo'yicha mas'ullarga topshirilgan yuklandi. Xususan, Zangiota tumaniidagi "Obod turmush" mahallasidan tadbirkor Barno Uzoqova ishsiz yurgan sport murabbiyi bilan hamkorlikda o'z mahallasida yoshlar uchun sambo to'garagini tashkiletib, yoshlarga mashg'ulot o'tmoqchiligi, lekin buning uchun sharoitlar yetarli emasligini bildirdi. Uning aytishicha, bu isjni amalga oshirish uchun 27 million so'm mablag' zarur. Taklifi yig'ilishda yoshlar siyosatiga oid barcha masalalar ko'rib chiqildi.

Tahiliy-taqridiy, ochiq muloqot ruhidagi savollarga bugun javob topishimiz lozim.



Majlisda agentlik direktori o'rinnbosarlari, hududiy boshqarmalar va tuman (shahar) bo'lim bosliqlari, Yoshlar muammolarini o'rganish va istiqbolli kadrlarni tayyorlash instituti faoliyati doirasidagi masalalar, birinchi yarim yillikda amalga oshirilgan ishlari bo'yicha mas'ullar hisoboti eshitildi. Hisobotlarda mahallalardagi yoshlar yetakchilari faoliyati, yoshlarning bo'sh vaqtini mazmunli tashkil etishdagi muammo va kamchiliklar hamda ularni hal etish masalalari, "Yoshlar balansi" va "Yoshlar daftari" tizimi orqali yoshlarning bandligini ta'minlash, yoshlarning intellektual salohiyatini qo'llab-quvvatlash, yoshlar tadbirdorligiga ko'maklashish,

agentlik tizimida kadrlar salohiyatini oshirish, muammolarini tizimli o'rganish va hal etish, budget mablag'larning maqsadli sarflanishi tahviliga alohida e'tibor qaratildi. Faoliyatda yo'l qo'yilgan xato va kamchiliklar muhokama etilib, barcha mas'ullar uchun muhim vazifalar belgilab berildi.

Hay'at yig'ilishini 9353 ta mahallada faoliyat olib borayotgan yoshlar yetakchilari videokonferensiya shaklida masofadan kuzatib bordi. Majlisda yoshlar yetakchilari faoliyati, yoshlar o'tasidagi muammo va kamchiliklarni bartaraf etish hamda muholtjarga ko'mak berish bo'yicha amalga oshirilgan ishlari amalii tahlil qilindi.

Jumladan, "Yoshlar daftari"ga kiritilgan 203,5 ming ishsiz va ijtimoiy himoyaga muholtj yoshlardan 166,4 ming nafrni (82 foiz) qo'llab-quvvatlanib, "Yoshlar daftari" jamg'armalari hisobidan 264,3 milliard so'm mablag' ajratilgani qayd etildi.



Kontrakt puli to'lab berilgan talabalar:

25,5
ming nafr



Ajratilgan mablag':

76,6
mild. so'm

Muddatli harbiy xizmat badali to'lab berilgan yoshlar:

12
ming nafr



Ajratilgan mablag':

62,4
mild. so'm

Asbob-uskuna va mehnat qurollari xarid qilish uchun subsidiya ajratilgan yoshlar:

16,3
ming nafr



Ajratilgan mablag':

49,1
mild. so'm

Haydovchilikka o'qitilgan yoshlar:

8,8
ming nafr



Ajratilgan mablag':

11,2
mild. so'm

Imtiyon xarajatlari qoplab berilgan yoshlar:

3,5
ming nafr



Ajratilgan mablag':

6,1
mild. so'm

Sog'lig'iда muammosi borligi uchun davo langan yoshlar:

1,5
ming nafr



Ajratilgan mablag':

1,7
mild. so'm

Bu xarajatlarning

30,6
mild. so'm



Yoshlar ishlari agentligi jamg'armasini hisobidan qoplangan.

GAZ KELSA, ISHSIZLAR QOLMAYDI

Salohiddin QO'L DOSHEV,

Foto Anvar TO'YCHIYEV



Boyovut
tumanidagi
"Markaz"
mahallasi
yoshlar
yetakchisi

Hamkaslarim qatorini men ham yetakchi sifatidagi ishimni xatlovdan boshlaganman. O'sha damlarda xaylimda faqat bir narsa – qanday qilib yoshlarga yordam berishim mumkin, degan savol aylanardim.

Dadam ikkinchi guruh nogironi bo'lgani bois yoshligimda juda ko'piq yiqinchilik ko'rganmiz. Shu paytda

ni oqlab, uy ichini ham qaytadan ta'mirlab, hamma joyni tartibga keltirdik. Tamara ona juda xursand bo'lib, bizni uzoq duo qildi. Shundan buyon mahallamiz yoshlari bilan deyarli har kuni bir keksa nuroniying holdidan xabar olib turibmiz.

Dadam ikkinchi guruh nogironi bo'lgani bois yoshligimda juda ko'piq yiqinchilik ko'rganmiz. Shu paytda

yordam beraman, deb o'zimga va'da bergaman. Buni chin yurakdan istagan ekanman, bugun mahalla yoshlariga ko'mak beradigan, ularga yo'llyo'riq ko'rsatadigan, yoshlarning tashvishi bilan yashaydigan lavozimga tayinlandim. Hozir biror yosh o'z muammosini aytib kelsa, uni hal qilmasdan qo'yman. O'zimning kuchim yetmasa, tanish-bilish, kursdoshlarimidan maslahat olib, masalani hal qilaman.

Masalan, bir sindoshim hozir endokrinolog bo'lib ishlaysapti. U juda yetul mutaxassis, deyarli bo'sh vaqt yo'q. Biz birgalikda har yakshanba kuni mahalladagi keksalarni ko'rikdan o'tkazamiz. Bemorlar bilan uzoq suhabat qilib, ularni tez orada tuzalib ketishiga ishortiramiz. Albatta, bemorlar shifokorlarning so'ziga ishonadi. Ular tulalasit desa, albatta tulalasdi. Axir ishchonch eng katta davo bo'ladi.

Hududni gazlashtirish Boyovut tumani aholisining necha yillik orzusi. Shu boisdan tumanga gaz olib kelish haqida o'ylab qoldim. Bunda esa "Open byudjet" dan foydalanshga kirishdim. Avvalo, puxta reja tuzib, rejani tasdiqlatdik. Galda-gi harakat ovoz yig'ishga kirishish bo'ldi. Bu jarayon shu qadar katta harakatga aylanib ketdiki, uni hech kim chetdan kuzatmadni, hamma imkon qadar hissa qildi. Natijalariga ko'ra, biz 3200 ta ovoz to'pladik. Yaqin kunlarda mahallamiz gazlashtadi degan umidimiz bor.

Agar gaz kelsa, mahallamizda bir emas, ikkita sex ish boshlaydi. Natijada mahallamizda birorta ham ishsiz aholi qolmaydi. Agar shu ishlar amalga oshsa, biz bundan sizlarni xabardor qilamiz. Yaxshi yangiliklar bilan tez orada chiqish qilamiz.



kimdir ozgina qo'llab turishiga intiq edik. Kun kelib birovga yordam bera olish imkonim bo'lsa, albatta, qiyinalayotgan oila farzandlariga

Bank sohasida ishlaysidan mahalladoshlarimiz hududdagi biznes boshlamoqchi bo'lgan yoki kontrakt asosida ta'lim oladigan yoshlarga bank kreditlarini olish tartiblari bo'yicha o'z maslahatini berib kelmoqda.

Hozirga qadar mahallamizda alohida sport maydoni yo'q edi. Ehtimol shuning uchundir, birorta ham yosh sportiga qiziqmasdi. **Mahallada anchadan buyon bo'sh turgan binoni olib, sport maydoni uchun qaytadan ta'mirlash ishlarini boshladik.** Har oy oz-ozdan mablag' ajratib, deyarli tayyor holga keltirdik. Mana, endi bu yerda sportning shaxmat, shashka, kurash va boshqa turlari bo'yicha to'garaklar tashkil etish harakatidaman. Bu ishga tajribali murabbiylarni ham jalb qilish niyatim bor.

"MARD O'G'LON" VA "KELAJAK BUNYODKORI" O'Z EGALARIGA TOPSHIRILDI

30-iyun – Yoshlar kuni arafasida bir guruh yoshlar Prezident farmoniga ko'ra, davlat mukofotlari – "Mard o'g'lon" davlat mukofoti va "Kelajak bunyodkori" medali bilan taqdirlangan edi.

Davlat mukofoti bilan taqdirlangan 3 nafar yoshlarimiz pandemiya sababli mukofotini qabul qilish olish uchun tantanali tadbiriga kela omagandi.

Kecha Yoshlar ishlari agentligi direktori Alisher Sa'dullayev hamda mas'ullar ishtirokida Murodjon Rahmatov hamda Asilbek Mirzaumidovga "Mard o'g'lon" davlat mukofoti, Shaxzod Turg'unboyevga esa "Kelajak bunyodkor" medallini tantali ravishda topshirildi.

Tadbir davomida Yoshlar ishlari agentligi direktori Alisher Sa'dullayev yoshlarni mukofot bilan tabriklab, keyingi faoliyatlarida muvafaciatiyat va zafarlar tilidi.

**Muhammadshuruk
MUHAMMADJONOV**



2 MINGTA ISH

O'RNI YARATAMAN

Inson hayotda muayyan maqsadlar bilan yashaydi. Kimdir orzu-is-takliriga ilm orqali erishsa, boshqasi kash-hunari orqasidan yetishadi. Men bolalikdan hunarmandchilikka qiziqaman. Biroq tikuvchilik, zardo'zlik, kasanachilikni o'rganish uchun alo-hida vaqt sarflamaganman.

Asli qo'qonlik hunarmandlar av-loddanman. Ota-bobolarim Qo'-qon aravalorini yasashgan. Bu-vilarim, onalarim atlas, bo'z kabi matolarni ta'qishardi. Bolaligim shu hunarlar ichida o'tgan. Esimi ni-tibmani, oilada hamma nima bi-landir mashg'ul. Tikuvchilikka qizi-qishini bo'lgan, ammo muntazam shugullanishga sharoit bo'limgan.

2019-yili Zangiota tumaniga oila-miz bilan ko'chib keldik. Hozir "Obod tur mush" mahallasida yashayman. 2020-yili tadbirdorlik qilish maqsadida "Yoshlar daftari"ga ro'yxtarga qoyildim. Menga 9 million 600 ming so'm subsidiya ajratilib, ikki dona tikuv mashinasi olib berildi. Dastlab ishimini 3 ta ishchi bilan boshladim. Son'g ishimizni kengaytirish maqsadida yana 33 million so'm kredit oldik. Ho-

zir ishchilarim soni 70 nafarga yetdi. Ularning 45 foizini nogiron yoshlar tashkil qiladi.

Kasanachilik yo'nalishida ham xotin-qizlarni ishl qilyapman. Bunga ham nogiron qizlarni jibl etdim. Bundan tashqari, uyida o'tirib ishlay oladigan qizlarning uylariga ham ish tarqataman. Ularni bo'sh vaqtida turli buyumlar yasash bilan band qilyapman.

Albatta, bu ishning rag'batli ham bor. Misol uchun, bir mahalladoshim 87 yoshi onasi va ikki farzandi bila-n yashaydi. Unga uyida ishlashi uchun sharoit yaratib berdim. Hozir uyida ishlab oyiga 4 million so'mgacha daromad topyapti.

Yoshlar ishlari agentligi hay-a-tining birinchisi yarim yillik yigi-lishtida shaxsan agentlik direktori Alisher Sa'dullayev bilan suhbat-



“
ISHIMIZNI KENGAYTIRISH
MAQSADIDA YANA
33 MILLION SO'M
KREDIT OLDIK.

Barno UZOQOVA,
Zangiota tumanidagi "Obod tur mush"
mahallasidan, tadbirdor

lashdim. Ularga hozirgi natijalar hamda kelajakda-gi rejalarim haqida aytganimda qo'llab-quvvatlashga tayyor ekanligini aytidi. Nasib qilsa keyin-

gi yil shu paytgacha 2 mingta ish o'rnnini yaratishga harakat qila-man. Albatta, ularning orasida nogiron yoshlar bandligini ta'min-lash rejsi ham bor.

MENING MAHALLAM: MUAMMO VA KAMCHILIKLAR



Yaqinda deputatlilikka navbat-dan tashqari saylovda nomzod-ning ishonchli vakili bo'lib qat-nashdim. Odatda saylov oldi-dan nomzod saylovchilar bilan uchrashuvlar o'tkazadi. Okru-gimizdag'i saylovchilar bilan uchrashganimizda "Bizga bolalar maydonchasi qilib bersangiz, sizga osov beramiz", deb aytishdi. Al-batta, bu taklifni inobatga olib say-lovoldi targ'ibotni davom ettirdik.

Bolalar maydonchalar bilan bog'liq muammoni o'rganishga kirishdim. Chirchiq shahridagi ayrim ko'chalarni aylanib, bolalar maydonchalar ahvoli bilan tanishdim. Haqiqatan ham ko'p joylarda bolalar maydonchalarini ta'mirtalab ahvolda, ayrim ko'p qavatli uylar oldida maydonchalarining o'zi yo'q. Misol uchun, Chirchiq shahridagi Sh. Rashidov ko'chasida 3, 4 va 10-kichik nohiyalarda bolalar maydonchalar mavjud emas, bori ham ayanchli ahvolda. Hatto bo-

lalar o'ynashga chiqqani qo'rqadi.


Biroq hamma yerda vaziyat bir xil emas. Masalan, Yangi asr ko'chasi va Konstrukturlar dahasi-da faol fuqarolarimiz farzandlari uchun chiroyli va obod maydon-chalar qurgan: kimdir bo'yoq, kimdir temir-tersak olib kelib, hashar o'tkazdi. Ta'kidlash joizki, na mahalla, na boshqa bir muttasadi tashkilot yordam bergani yo'q. Menimcha, mutasaddi tashkilotlar boshqa muhim ishlari bilan ovora.

Chirchiq shahrida bolalar maydonchalarini og'riqli masala. Borlari ham e'tibordan chetda qolgan. Masalan, "Bo'zsuv" kanali bo'ylab sport bilan shug'ulanish uchun tre-najorlar qo'yilgandi. Biroq ayrimlar bolalar maydonchasi sigir bo-qayotgani meni hayratda qoldirdi.

Yangi asr ko'chasi ahli ham o'z imkoniyatidan kelib chiqib hashar yo'li bilan bolalar maydonchasi-sini barpo etish taraddudida. Bu yerda "domkom" Shoira opa bilan suhbatlashdim, "Bormagan joyimiz qolmadidi. O'zim odamlar bilan yig'ilish qildim, ko'pchilik taklifimni ma'qulladi, pul tashladik. Hatto futbol maydonchasinu ham qurdik", -deydi u.

2020-yil 1-avgustidan kuchga kirgan "Ko'p kvartirali uylarni boshqarish to'g'risida"gi qonunda xususiy uy-joy mulkdorlari va kompaniya bilan aholi o'tasida munosabatlar qanday bo'lishi

Mushtariyidan maktub



kerakligi batafsil belgilandi. Af-suski, ayrim kompaniyalar sobiq shirkatlardan pul olmaganimiz, deb ta'mir ishlari olib bormayapti, ayrimlari esa uylarni qabul qilmayapti. Bir tomonдан ularni ham tushunish mumkin. Ayrim shirkat raislari pullarni noqonuniy o'zlashtirib yuborgani tufayli vaziyat shu holatga kelgan. Nima bo'lganda ham, umid qilamizki, muammolar bartaraf qilinadi. Asosiy, sobiq shirkatlardan qol-gan "meros"ni boshqaruv kom-paniyalariaga topshirishdan oldin prokuratura xodimlari tomonidan tekshiruv o'tkazilsa, maqsadga muvofiq bo'ladi.

Maksim GYULAHMEDOV.
Chirchiq shahri



IMTIHONGA OZ QOLDI, SIZ TAYYORMISIZ?

Imtihon oldi hayajonlari: uyqusizlik, ishtaha yo'qolishi, asabiy bo'lib qolish. Agar bir necha kundan keyin imtihonga kirishingiz kerak bo'lsa-yu, yuqoridagi holatlarni bartaraf etmasangiz, imtihon kuni o'zingiz xohlamagan holda xotira pasayishi va diqqatni jamlay olmasidan qijnalishingiz mumkin.

Buning oldini olishda taomnomha, ya'ni ovqatlanish ratsioni muhim ahamiyatga ega. Tarkibida kalsiy va temir mayjud bo'lgan mahsulotlar, ayniqsa, yangi uzilgan meva-sabzavotlar aqliy faoliyatizingizni yanada yaxshilab, diqqat jamlashga yordam beradi.

Ruhiy holatni yaxshilashda uyqu ham kerakli o'rinn tutadi. Ko'pchilik abituriyentlar imtihonga bir necha kun qolganda ovqatlanish, uyqudan voz kechib bo'lsa-da, ko'proq o'qish va yodlashga, bilganlarini takrorlab olishga shoshilishadi. Afsuski, bu yo'lni tutish doim ham yaxshi natijalarga olib kelavermaydi. O'z vaqtida dam olmaganingiz va tanaffuslarsiz ishlaganizing sabab sизда imtihon kuni quvvatsizlik, uyqusirash kuzatilishi mumkinligini unutmang.

Imtihongacha o'qib ulgurmagan kitoblarining bo'lsa, bir necha kun ichida o'zlashtirib olishingiz ilojsiz, agar buni uddalagan taqdiringizda ham, organizmingizni ruhiy va aqliy jihatdan zo'riqtirasiz. Bu esa o'zining salbiy ta'sirini ko'rsatmay qolmaydi.

NIMA QILISH KERAK?

Imtihon oldi mahallangizdagagi yoshi ulug', nuroniy otaxon-onaxonlarni ziyorat qilib, duolarini olsangiz nur ustiga nur. Bu bilan ancha xotirjamlikni his qilasiz, ularning duolari siz uchun eng yaxshi motivatsiya bo'ladi.

O'zingiz yoqtirgan muzqaymoq yoki biror shirinlik bilan sokin joylar: xiyobon, ko'li yoki anhor bo'yalarini aylanishingiz, tabiat qo'yinda dam olib, sevimi qo'shig'ingizni tinglashingiz mumkin. Bu o'z-o'zidan paydo bo'layotgan shoshqaloqlik va asabiylikni yengish uchun juda yaxshi yo'l.

Yaqinlarining davrasida oilaviy albomni yoki sevimi kinionni tomosha qilish orqali ham o'zingizga ishonchni yana bir pog'ona ko'tarishingiz mumkin. Imtihonlardan a'lo natija bilan o'tishningizga biz ham tilakdoshmiz, ammo shuni ham unutmangani, yomon natija ko'satgan taqdiringizda ham, yaqinlarining sizni yaxshi ko'rishadi va qadrlashadi.

Qunt va mashaqqat bilan bilim olib, talablik sari intilayotgan har bir abituriyentga omad tilaymiz!

Ziyoda RAHIMBOYEVA tayyorladi.

JORIY YILDA QANCHCHA ABITURIYENT OTMGA HUJJAT TOPSHIRDI?

20-iyundan 27-iyulga qadar davom etgan oly ta'lim muassasalariga hujjat topshirish jarayoni ni-hoyasiga yetib, ijodiy imtihonlar boshlanib ketdi. Shu davr mobaynida imtihon topshirish jarayonlari bilan bog'liq ko'pgina o'zgarishlar, xotin-qizlar uchun imtiyoz va kvota sonlari ma'lum bo'ldi.

So'nngi hisob-kitoblarga ko'ra, 1214 232 nafar	kunduzgi ta'lim shakli:	sirtqi ta'lim shakli:	kechki ta'lim shakli:	masofaviy ta'lim shakli:
612 530 nafar:				
565 902 nafar:				
27 417 nafar:				
8 383 nafar:				

Ko'rib turganingizdek, masofaviy ta'lim 2022/2023-o'quv yilda ilk bor joriy etilishiga qaramasdan, bu ta'lim shaklida o'qishni ma'kul ko'ruchilar sezilar darajada ko'p.

Talabalik uchun talabgorlarning **395 023** nafari joriy yil, **819 209** nafari esa oldingi yillar bitiruvchilaridir. Doimiy yashash hududi kesimida hisoblaydigan bo'lsak, **140 797** nafar abituriyent bilan Qashqadaryo viloyati birinchi o'rinni,

45 413 nafar abituriyent bilan Sirdaryo viloyati oxirgi - **14**-o'rinni egallab turibdi.

Eslatib o'tamiz, 1-20-avgust kunlari **40** ta OTMdagi kasbiy-ijodiy imtihonlar bo'lib o'tadi. Demak, talabalik sari yana bir qadam tashlandi. Endi so'nngi qadam - imtihon qoldi, xolos Bo'la-jak talabalarning so'nngi qadamni ham muvafqaqiyatli amalga oshirishiga ishonamiz.

Shahribonu RAHMATOVA

TEKIN PISHLOQ QOPQONDA BO'LADI

"Tekin sovg'a"... Biram yoqimli eshitiladi-a? Afsuski mutasadidlarning fribgarliklar haqida ogohlantirishlariga qaramasdan, hamon ko'plab yurdoshlarimiz fribgarlarning "tekin sovg'asi" dan jabr ko'rmoqda.

Odatda bunday "muxlis"lar ilgari qadrondi-leri bo'lgan fribgarlarning asl yuzini ko'rgandan keyingina davlat idoralariga murojaat qiladi. Nega? Nima uchun falon pullar bilan farzandini talabaga aylantirish vaqtida "men ham bu ishim bilan fribgarning sheri bo'lmaymanmi?" deb o'ylab ko'rishmaydi? Tarvuzi qo'ltig'idan tushganidan keyin davlat organlari tomon qaynot qoqishadi.

Hozir shu ogohlantirishdan so'ng ham be-parvolar topilishi tayin. Buni hozirgina telegaramdan kelgan xabar ham tasdiqlasa ne ajab. Nima emish, "Coca-cola" bepul sovg'a tarqatarmish. Sizga ham tanishmi bu xabar? Unda dardimiz bir ekan. Noma'lum va allambalo saytdan sovg'a kelarmish-a?! Undan-da qizig'i, bu xabarni ko'rganlar yashin tezligida bir-biriga ularshayotgani.



Azizlar, siz bir joyda o'tirishingiz mumkin, lekin fribgarlar anoyi emasda, yangicha usullarni topishadi. Sal diqqatli bo'ling! Hech bo'lmasa, noma'lum saytning xabarlarini ularshang.

"Tekinxo'rlik". Mana shu so'zning zamirida bir dunyo ma'no borki, fribgarlarning oshig'i olchi. Aytgancha, "Coca-cola" nomidan kelgan soxta xabarlarida mashina yutasiz, deyishgandi. Yutsangiz, meni ham sayohatga olib borarsiz...

Sabrina IBRAGIMOVA,
abituriyent

AHOLI VA UY-JOYLARNI RO'YXATGA OLUVCHI XODIMLARGA O'QUV SEMINAR TASHKIL ETILDI

Vazirlar Mahkamasining 2020-yil 11-noyabrdagi "O'zbekiston Respublikasida 2023-yilda aholini ro'yxatga olishga tayyor-garlik ko'rish va uni o'tkazish chora-tadbirlari to'g'risida"gi qaroriga muvofig, joriy yilning 1-avgustidan 3-avgustiga qadar respublikamizning barcha hududlarida turar joylar va binolari ro'yxatini tuzish va registratori rejasiga uchastkasini sxematik

aniqlik kiritish bo'yicha maxsus o'quv va amaliy mashg'ulotlar bo'lib o'tadi.

Toshkent shahrining barcha hududlarida ham ro'yatga olish bo'yim xodimlari tomonidan uy-joylarni ro'yxatga oluvchi xodim (registrator) larga o'quv amaliy seminarlar boshlandi. 230 nafar registratori qamrab olgan mazkur seminar-treninglarda uchast-

kani xatlovdan o'tkazish, ya'ni respondentlar yashaydigan (vaqtincha bo'lib turgan) yoki yashashi mumkin bo'lgan barcha binolari ro'yxatini aniqlash, kartografik materiallarni qiyosiy tekshirish, ularga tegishli belgi qo'yish va zarur hollarda o'zgarishlar kiritishga oid bilim va ko'nikmalarga ega bo'ladi.

Toshkent shahar Statistika boshqarmasi

“NORASMIY” TILANCHILAR

Biz fikr yuritmoqchi bo'lgan odamlar toifasi va ular bilan uchrab turadigan holat sizga begona emas. Aytaylik, metroga tushyapsiz yoki o'qishdan, ishdan qaytyapsiz. Oldingizdan binoyidek kiyinigan kishi (ahamiyatisi, ular ko'pincha erkaklar bo'ladi) sizdan dorigami, taksigami deb pul so'raydi. Agar siz ilk marta shu holatga duch kelayotgan bo'sangiz, biroz ikkilanib bo'sada, yoningizni kavlab, so'raganini berishingiz ham mumkin. Ammo har kuni shu holatga tushayotgan bo'sangiz, gapi oxiriga yetishini ham kutmassiz, ehtimol.

Jahmiyatda bu kabi “norasmiy” tilanchilar ko'payib qoldi. Xo'sh, bunday oson yo'l bilan - hamiyat va g'ururini to'kib pul topishga odatlischen nimaning natijasida yuzaga kelyapti, qanday omillar bunga sabab bo'lishi mumkin?

Buni “kasb” qilganlar hayotda o'z o'rninga ega bo'lмаган, tuzukroq ta'limga ko'rmagan va shunga yarasha biron hunarining etagidan ham tutmagan odamlardir. Yoshligidan oson yashashga, kayf-safoga ruju qo'yanlar ulg'aygach ham shu yo'lni afzal ko'radi. Tarki odat amri mahol, deydi dono xalqimiz.


Taxminan bu shunday boshlanadi: avvalbosha yuzi qot-guncha tanishlardan qarz so'raydi. Bejiz kitoblarda ham qarzning yomon ekani, orani, munosabatlarni buzuvchi illatligi bot-bot takrorlammagan. Rasululloh sollarlohu alayhi vasallam bunday deganlar: “Alloha qasamki, agar bir kishi Alloh yo'lida qatl etilsa, so'ng (qayta) tiriltirilsa, so'ng yana qatl etilsa (ya'n Alloh yo'lida uch marta o'lib-tirilsa ham), ustida qarzi bo'lsa, uni uzmagunicha jannatga kirmaydi” (Imom Nasaiy).

HALI U “PROFESSIONAL” TILANCHI EMAS

Yaqinlarining hammasidan qarz olib qaytarman, boshqa so'raydigan tanishi qolmagan kishi endi ko'chadagi begonalardan najot izlaydi. Hali u “professional” tilanchi emas. Shuning uchun begonalardan ham „qarzga, albatta, qaytaraman, men tilanchi emasman, doriga pulim yetmay qoldi”, – deya hatto telefon raqamini ham qoldiradi. Bunday pozitsiya bilan odamlarning 50 foizini ishontrira oladi.

Qarabsizki, topgani “shisha”ga yetyapti. Atrofdagilar ham kiyinishiga, gap-so'ziga qarab unga ishonadilar. Muttasil ichkiliq natijasida aft-angori bir ahvolga kelib qolgan odam endi faqat pul so'raydi, unga ishonish-ishonmasliklari qiziqtiymaydi, maqsadi bitta – dorixonada soltiladigan “non”!

Bunday kasbni o'ziga ravo ko'rayotganlar safida ayollar, yosh bolalar, voyaga yetgan yigit-qizlar ham borligi kishini o'ya toldiradi. Atrofimizda go'dak fitratiga ham pul isini, tilanchilik



illatini yuqtirgan ota-onalar borligi, ko'payayotgani naqadar achinari! Siz bu kabi odamlarga ko'p bora aldanganlardansiz, bundan o'zingizning xabarlingiz ham yo'q bo'lishi mumkin.

KIMGA ISHONISH KERAK?

Eslab ko'ring, shu kungacha necha marotaba ko'chada pulsiz qolgan, yordamga muhtoj kishilarga ko'mak berdingiz. Endi ayting-chi, ulardan hammasi ham rosmana yordamga muhtoj, tilanchi bo'lмаган kishilar edimi? Afsuski, bilmaysiz. Yoki teskarisi: siz shu choqqacha yo'llingizdan yordam so'rab chiqqan necha odamga ishonmy, manzilda davom etgansiz? Ular orasida muhitlari yo'q edi, hammasi yolg'ondan o'zini chorasiz qiyofaga solib olgan, deb aya ola-sizmi?

„QARZGA, ALBATTA,
QAYTARAMAN, MEN TILANCHI
EMASMAN, DORIGA PULIM
YETMAY QOLDI.

Maqolamizda ko'tarmoqchi bo'lgan asl muammo ham shu – kimga ishonish kerak, haqiqiy muhtoj kim? Jamiyatda tekintomoq kishilar qatlami shu qadar kengayib bormoqdaki, buning natijasida biz himmat qilishimiz lozim bo'lgan boquvchisiz, mehnatga layoqatsiz, beva-bechora va miskinlar ham yuqoridagi toifa soyasida e'tibordan chetda qolmoqda. Ko'chada sizdan pul so'rayotganlarning aksariyati pensiya yoshidagi, olali odamlar bo'ladi. Farzandlarning mehrsizligi, oqibatsizligi natijasida ham bunday holatlar ko'payib ketmoqda. Siz-u bizning unchalik parvoyimizga kelmayotgan, nazarimizni tortmayotgan ushbu illat aslidaka kichkina muammo emas.


Yaqinda Remarking “Qora haykal” asarini o'qib chiqdim. Asar urushdan keyingi Germaniya aholisini hayotidan hikoya qiladi. Urush oqibatida mag'lub nemis davlatida inflyatsiya shu qadar kuchayib ketadiki, bir tushlik qilgulik vaqtida dollar kursi tasavvur qilish mumkin bo'lмаган darajada o'zgarib turadi. Ishsizlik va qashshoqlik natijasida ko'chalar tilanchilar bilan to'lib ketadi va ular qo'liga chaqa tushgan zahoti oshxonaga

yuguradi, agar pulni uzoqróq ushlab tursa, unga keyinchalik hech vaqo bermaydi.

Biz XXI asrda yashayapmiz: ishlagan odam hech bo'lмаганда birovga muhtoj bo'lmaydigan, o'z nonini o'zi topib yeya oladigan, muhimmi, urushlarsiz tinch zamonda rasmiy-norasmisi tilanchilarning bu qadar ko'pligi va kundan kunga ortib borishi normal holat emas.

Aziz tengdoshim, yaqinlaringizga e'tiborli bo'ling, mashaqqatli bo'sa-da, mehnat qilib non topishga odatlaning. Minnatning noni qat-tiq bo'ladi, tishingizni sindiradi. O'zingizga va o'z kuchingizga ishoning!

Rashid XO'JAMOV



IRSOLI MASAL

Irsoli masal (forscha – masal keltirish) – she'nda maqol, matal, hikmatli so'zlarni muayyan maqsad bilan ishlatish usuli.

Irsoli masal san'ati o'zbek adabiyotida eng qadimiy shakllangan san'at turlaridan bira sanaladi. Unda ijodkorning ijodiy maqsadini ochish, xulosa va hukm chiqarish uchun misol sifatida xalq tilida mashhur bo'lgan maqollar keltiriladi. Hatto Gulxaniyning dunyoga mashhur “Zarbulsasal” (Yapaloqqush hikoyasi) asari butunligicha ushbu san'at asosida qurilgan. Unda xalqning dono naqlari, maqol va matallari, shuningdek, asrlar oshgan urf-odatlari saqlanib qolgan.

Misollar:

Xunob ichar vaqtimda xush kelding, ko'ngilkim, xalq aro,


Yaxshi masaldirkim: “Kechir yaxshi kishi osh ustina”. (Ogahiy)

Sabr qilsang g'o'rardin halvo bitar, Besabrlar o'z oyog'idin yitar. (Gulxaniy)

Eldorjon DIYOROV

MUKOFOT

HAQIQIY KITOBXONNIKI!



Bosh sovrin –
AVTOMOBIL!

Yana ko'plab
sovg'alar sizni
kutmoqda!
QR-kodlar orqali
batafsil
ma'lumot olib,
adabiyotlarga
buyurtma
berishingiz
mumkin!



259.000



**Factor
books**



"Ikar" loylighasi nizomini
yuklab ailing



"Ikar" loylighasini ijtimoiy
tarmoqlorda kutublaring



"Factor books" nashriyotini
ijtimoiy tarmoqlarda kututing

ikar
Ijtimoiy tarmoqlarda kututing

(99 895 035 95 11 99 895 079 95 11

Reklama huquqi asosida

**YOSHLAR
OVOZI**

Bosh muharrir:
**Hamza
ABDULLAYEV**

Muassis:
O'zbekiston yoshilar ittifoq
Markaziy Kengashi

Bosh hamkor:
O'zbekiston Respublikasi
Yoshlar ishlari agentligi

Navbatchi muharrir:
**Muhammadshuruk
MUHAMMADJONOV**

Musahhihlar:
Rashid XO'JAMOV,
Qirmizoy HAKIMOVA

Gazeta O'zbekiston Respublikasi Prezidenti Administratsiyasi
huzuridagi Axborot va ommoniya komunikatsiyalar agentligiga
2020-yil 1-Febroari kunda № 02/2020 qoidalari qayd etilgan etib o'tgani.
Gazeta materiallari tahririyat kompyuter murobbasida farolidi va tahrif
landi. Tahririyat manzili: 100083 Toshkent, Matbuotchilar ko'chasi, 32.
Telefonlar: (71) 236-22-16, (71) 236-79-95.

"Sharg" nashriyot-matbaa aksiyadorlik kompaniyasi bosma
xonasida A-3 formatida chop etildi. Hajmi – 2 bosma tabaq.
Korxona manzili: Buyuk Turon ko'chasi, 41. Indeks: 203, 3203.
Bahoisi kelishiligiga narxa. Buyurtma G-855, Adadi – 10527.
Boshishga topshirish vaqt – 21.00. Topshirildi – 20.00

Saytimizga o'tish
uchun QR-kodini
telefoningiz orqali
skanner qiling.



1 2 3 4 5 6